



Najaaraq Møller
Inatsisartunut ilaasortaq, Siumut

Elite Sport Greenlandi aamalu timersoqatigiit kattuffiat (GIF) aqutugalugit Nuna tamakkerlugu timersornikkut siammasissumik iliuseqartoqarnissaanik Naalakkersuisut pilersaaruteqarnerannut tunngasumik § 37 tunngavigalugu apequt nr. 172/2024-imut akissut

06-08-2024
Suliap normua: 2024 - 1595
All. nr. 24412526

Postboks 1029
3900 Nuuk
Qqarasuaat:
+299 34 50 00
Email: ikin@nanoq.gl
www.nanoq.gl

Asasara Najaaraq Møller,

Inatsisartut suleriaasiat naapertorlugu apequtigisannut qujanaq. Apequtigineqartut tullinnguuttuni akissuteqarfigissavakka.

Akissummut Timersoqatigiit Kattuffianniit (GIF) kiisalu Elite Sport Greenlandimiit (ESG) akissummut ilanngussassanik pissarsiniarsimavunga.

Apequt 1:

Assersuutugalugu Elite Sport Greenlandimut aamalu timersoqatigiit kattuffiannut (GIF) aqutugalugit Nuna tamakkerlugu timersornikkut siammasissumik iliuseqartoqarnissaanik Naalakkersuisut pilersaaruteqarpat?

Akissut:

Timersoqatigiit Kattuffiat aamma Elite Sport Greenlandi suleqatigalugit nuna tamakkerlugu suliniutinik assigiinngitsunik Naalakkersuisut aallartitsisimapput.

Aallarniutigalugu oqaatigissavara Inatsisartut inatsisaat nr. 15, 6. juni 2016-imeersumi § 11, imm. 5 aamma § 12, imm. 5 naapertorlugit Timersoqatigiit Kattuffiannik aamma Elite Sport Greenlandimik ukiuni sisamani angusassat pillugit Naalakkersuisut isumaqatigiissuteqarsimmamata, tassani illuatungeriit ingerlatassanut, naatsorsuutigisaat, tassunga ilanngullugit angusassanut piumasaqaatit, nalunaarusiortarnissamut piumasaqaatit naatsorsuutinillu saqqummiussisarnissat aalajangersarneqarlutik. Isumaqatigiissut tunngaviusumik pissutsinut atuuttunut naleqqiullugu ukiukkaartumik aqqinneqartassaaq, tassunga ilanngullugit aningaasaliissutit, aamma pisariaqartitsinerit nutaat. Maannakkut angusassatut isumaqatigiissutit piffissamut 2023 - 2027-imut isumaqatigiissutigineqarput. Tassaniipput nuna tamakkerlugu suliniutit Timersoqatigiit Kattuffiannik aamma Elite Sport Greenlandimik angusassatut isumaqatigiissutit naapertorlugit piffissami maannakkut Naalakkersuisut suliaralugit aallartissimasaat pilersaarutillu malillugit 2027-ip tungaanut suliniutit naatsorsuutigineqartut.

Kalaallit Nunaanni **Timersoqatigiit Kattuffiata** takorluugaraa 2030-mi Kalaallit Nunaat nunarsuarmi timimik aallartissimasaq. Takorluugaq tassaavoq meeraaraanermiit iliverneqarnissamut innuttaasut timimik atuilluarnissaat, suliallu ingerlaneranni piffissanik periusissianik pingasunik Timersoqatigiit Kattuffiat suliaqarpoq, 2030-mullu takorluugaqarnermi periusissiami tamarmiusumi ukiut sisamat siullit

ingerlareersimalerlutik.

Piffissami periusissiami siullermi (2020-2023) ingerlatsinerit tamarmik aallaavigisassaannik suleqatigiinnernik ilisimasanillu ineriartortitsineq Timersoqatigiit Kattuffiannit ilaatigut sammineqarsimapput. Timersoqatigiit Kattuffiata taamaalilluni nunatta inissisimaffia nukittorsarsimavaa aamma sulisunut, suliniaqatigiiffinnut, kommuninut innuttaasullu takorluukkamut ilaanissaat pilerinartunngortissimallugu.

2024-miit 2027-ip tungaanut ingerlasussami periusissiami nutaami tullinnguuttumilu isumassarsiat, isumaqatigiissutit akornanni ataqatigiinnerit pitsaanerulernissaat aamma Timersoqatigiit Kattuffiani peqataasut allaffissornikkullu ingerlaatsit akornanni iliuuseqarnissamut samminerusunik suliniuteqarnissaq Timersoqatigiit Kattuffiannit sammineqartussaallutik. Kisianni aamma inuiaqatigiinni ingerlataqartut akornanni suleqatigiinnerni, assersuutigalugu ilinniartitaanerit akornanni, kiisalu ilisimatusarnerit ilisimatusarnermillu pissarsisut akornanni.

Takorluugaq pillugu nunap katersornissaanut tunngavisoq tassaavoq timikkut eqqarsartaatsikkullu peqqissuuneq nukittorsarniarlugu Timersoqatigiit Kattuffiata akisussaaffiata ilagalugu suleqatigisassat eqqortut nassaarineqarnissaat. Suli amerlanerusut timimik atuinissamut periarfissanik takunninnissaannut suliniutit periarfissallu ingerlateqqinnissaannik sulinerup aaqqissugaanissaa pisariaqarpoq.

Timersoqatigiit Kattuffiat taamaattumik suliniutit piviusunngortinniarlugit kattuffiit, klubbit kattuffeqanngitsut, UNICEF Kalaallit Nunaat, Paarisa, Peqqissutsimik Ilisimatusarfik, Kalaallit Nunaanni Politiit, kommunit, naalakkersuisoqarfiit attuumassuteqartut allallu peqatigisat soorlu aningaasaateqarfiit inuussutissarsiortullu suleqatigai.

Ilaatigut piginnaanngorsarnissamut suliniutit, sumiiffinni timersornerit ineriartortinniarlugit aamma Nunatta aalanerunermi peqataanissaanut sumiiffinni ineriartortitsineri suliniutit ineriartortinniarlugit takorluukkami suleqatigisagut pimoorussa qarput.

Tunngavisoq tassaavoq avatangiisit nukittuut, sumiiffinni, nunap immikkoortuini nunalu tamakkerlugu inuiaqatigiinnut iluaqutaasumik suli qaninnerusumik attuumassuteqarnerit pilersinniarlugit Timersoqatigiit Kattuffiata nunatsinni tamanut nukittuumillu inissisimaffeqarnerata iluaqutiginissaa. Ukiuni aggersuni sammineqartussa tassaassaaq naammassisaqarneq iliuuseqarnerlu.

Naak arlalippassuartigut pitsaasumik inuiaqatigiinni ineriartortuni inuugaluarluta, nunarsuarmiut allat assigalugit sammivimmut nalinginnaaleriartortumut ajoraluartumik ilaavugut, tassanimi naatsorsueqqissaarnerit inerneqarmata allaat meeqqat inersimasullu timersornikippallaalernerisa kingunerisaanik pualavallaartut amerlisimanagerinik takorluugaq aallaaveqarpoq. Takorluukkami sulineq siuliani eqqaaneqartumik angusassatut isumaqatigiisummi aamma allaaserineqarsimavoq.

Elite Sport Greenlandip piffissamut 2023-2027-imut pingaarnertut anguniarpaa nunanut allanut unammisartut siuarsarnissaat kiisalu Elite Sport Greenlandimit tapersorneqartumik immikkut kattuffinnik timersortartunillu ataasiakkaanik tapersorneqartunik inerisaanerit.

Elite Sport Greenlandip angusassatut anguniagaa ataaniittumi takutinneqarpoq:

Pingaarnertut suliassaq	Anguniakkatut siunnerfiit:
Timersortartunut immikkullu kattuffimmut sinaakkutissat piumasaaqatillu	<ul style="list-style-type: none"> • Elite Sport Greenlandip timersortartut immikkullu kattuffiit inerisarniarlugit sinaakkutissanik sulisunillu inerisaanissamut suleqataassaaq • Elite Sport Greenlandip allattoqarfik patajaallisassavaa timersortartut immikkullu kattuffiit qaninnerujumallugit • Elite Sport Greenlandip tassaassaaq tungavissaqartumik isumasioqatigisartagassaaq nunarput tamakkerlugu kiisalu nunat tamalaat akornanni unammisartunut tunngasuni • Elite Sport Greenlandip sungiusaasut kiisalu timersornermut suliqaarnermik akisussaasut suliannut tunngasunik piginnaasaat nukittorsarniarpai
Kalaallit nunanut allanut unammisartut timersortartut ineriartorneri ikorfartorlugit	<ul style="list-style-type: none"> • Elite Sport Greenlandip timersortartut immikkullu kattuffiit ilisimasaat patajaallisarsavai isumannaalluurtunik nunanullu allanut unammisartunik inerisaanermik annertusaanermillu ukkatarinnilluni • Elite Sport Greenlandip sungiusaasartut nukittorsassavai ineriartornerat qaffassarlugit piginnaasaat pitsanngorsarlugit nunalu tamaat attaveqaataannik pilersitsilluni • Elite Sport Greenlandip nuna tamakkerlugu patajaallisaassaaq timersornermik unammisartut piomassuseqalersinniarlugit
Piukkunnaatilinnik siunissamut ungasinnermut ataqatigiissumillu suliniuteqarneq	<ul style="list-style-type: none"> • Elite Sport Greenlandip timersortartut ilimanaatillit nunanut allanut unammisarnissaannut attatiinnarnissaannut tungavissiissutit patajaallisassavai • Elite Sport Greenlandip piukkunnaatilinnit nunanut allanut unammisartunngortitsinnermut ilisimasalik tungaviit taakkuninngalu ingerlatitseqqisarnarit pillugit tungaviit annertusassavaat
Isumaqatigiissummi suliniutissat	<ul style="list-style-type: none"> • Nunatsinni unammiaartarnerit nunatsinnut unammisartut allanut unamminnermi piginnaasaannik pitsanngorsaasartut illuatungeriit isumaqarput • Illuatungeriit taamaalillutik sulissutiginiarpaat timersornermik ingerlatsinnermi angalasarnarit pitsanngorsaaviginiarlugit, taamaaliornikkut klubbit timersortartullu nunatsinni allanik unammiasinnaanerannut atugassaat pitsanngorsaavigineqassallutik • Timersornermut atatillugu angalanernut aningaasartuutit oqallisigineqassapput

Elite Sport Greenlandip suliniutaata timersortartut nunani tamalaani unammisartutut peqataalersinnaaneri qulakkiissavai.

2030-mut takorluugaq tassaavoq timersortartunik nunanut allanut unammisartunik nukittorsaanikkut nunat tamalaat akornanni qaffasissumik Kalaallit Nunaata angusaqartalernissaa.

Periusissiaq pingasunik suliniuteqarfeqarpoq takorluugaq anguneqassappat iluatsinneqartussat.

- Suliniuteqarfiusoq siulleq tassaavoq piginnaasat. Elite Sport Greenland tassaavoq nunatsinni ilisimasanik katersuiffiusoq piginnaasalinnik nunanullu allanut unammisartunik ineriartortitsinissamik sammisaqartoq. Elite Sport Greenland soqutiginnittunik pitsaanagerusumik sunniiniarluni, ineriartortitsiniarluni, ilitersuiniarluni sungiusaaniarlunilu allattoqarfimminut piginnaasalinnik amerlanerusunik sulisoqalersimavoq. Elite Sport Greenlandi sungiusaasut nuna tamakkerlugu sapinngisamik qaffasinnerpaamik pikkorissuseqarlutik ineriartorsinnaanerannut inuussutissarsiuteqalersinnaanerannullu, piginnaasaqalernissaannik attaveqarfeqalernissaannillu suliaqarpoq
- Suliniuteqarfiusup aappaa tassaavoq avatangiisit. Elite Sport Greenland kattuffiit timersortartullu ineriartornissamut timersornikkut tunngaveqalernissaannut isumalluuteqarnissaannullu tapertaavoq. Elite Sport Greenlandi ikorfartuinissamut piumasaqaatit kattuffiit klubbillu ineriartornissaannut ikorfartuissaaq. Elite Sport Greenlandi piginnaasalinnut nunanullu allanut unammisartunut atukkat pitsaanagerulersinnissaannut suliaqassaaq
- Suliniuteqarfiit pingajuat tassaavoq timersorneq pillugu politikeqarneq. Elite Sport Greenlandi tassaavoq nunani tamalaani nunarsuarmilu unammersuarterfinni nunani allani unammisartunut akuerisaasumik sungiusaasartoq. Elite Sport Greenlandip nunap ineriartorneranut pitsaasumik pingaaruteqartumik timersorneq pillugu politiki ersarinnerulersissavaa. Elite Sport Greenlandi aamma piginnaasallit nunanullu allanut unammisartut ineriartornerinut ikorfartuisunik nukittuunik peqateqalernissaa pillugu suliaqarpoq

Suliniuteqarfiusut anguniarlugit pingaartinneqartut tunniussimaneq ilungersorsinnaanerlu atorlugit periusissiaq ingerlanneqassaaq aamma piginnaasallit nunanullu allanut unammisartut ineriartortinneri sammissallugit.

Periusissiamiit 2023-mi aallartitsinerit anguneqarsimasullu:

Piginnaasaqarfiit

- Inuunermi killiffinni sisamani erseqqissunik inassutunik nassuiaasunik piginnaasallit nunanullu allanut unammisartunut najoqqutassaq naammassineqarsimavoq
- Timimik sungiusaasartunik, sungiusaasunik/timersornermi tarnip pissusiinik ilisimasalinnik timikkullu sungiusaasunik isumaqatigiissusiortoqarsimavoq
- Team Danmark suleqatigalugu atorussat ineriartortinneqarsimapput nutserneqarsimallutillu

Avatangiisit

- 2022-mi misiligutaasumik suliniutip iluatereersup kingorna nuna tamakkerlugu piginnaasalinnik katersuutsitsisarneq 2023-mi aallartinneqarpoq
- ESG-mi tunngaveqartumik piginnaasalinnik ineriartortitsisarnerit suliarineqarsimapput
- Team Danmark suleqatigalugu piginnaasalinnik sungiusaasunik ilinniartitsinissamut atorussat aallartinneqarsimapput

Timersorneq pillugu politiki

- Elite Sport Greenlandi timersornermut tunngasumik politikimi siunnersuinissamut qaaqquneqartalersimavoq
- Timersortartut aqqutigalugit nunatut inerikkiartornermi periusissiami piffissap naanissaata tungaanut ingerlanneqassaaq

Aqutsineq

Aqutsinermi 2023-mi periusissiami immikkoortut aallartinnissai naammassineqarnissaalu aamma periusissiaq aallaavigalugu najoqqutassat allaaserinerinik sammisaqarsimapput. Allattoqarfiup aningaasatigut tapiissutit saniatigut nunani allani unammisartunut, kattuffinnut nunanullu allanut sungiusaasartunut atukkat pitsaanerulersinnissai sammisimavai.

Suleqatigiinnissamik isumaqatigiissutit

ESG kattuffinnik suleqateqarnissamik nutaanik isumaqatigiissusiorsimavoq, timersortartut pillugit amerlanerusunut suliniuteqarnissaq ingerlatallu kajuminnartuunissaat siunertaralugu taamaalilluni piginnaasalinnik nunanullu allanut unammisartunik suliaqarneq ingerlaannarsinnaalluni. Suleqatigiinnissamut isumaqatigiissutiniipput immikkoortut pingasut: nunani allani unammisartussatigut suliniuteqarneq, piginnaanngorsaaneq piginnaasalinnillu ineriartortitsineq. Suleqatigiinnissamut isumaqatigiissuteqarnissaq pillugu tunngaviuvoq suliassaqarfinni pingasuni tamani kattuffiit periusissianik suliaqarsimanissaat. 2023-mi ukiunut pingasunut suleqatigiinnissamut isumaqatigiissutit sisamat ESG-mit nutarterneqarsimapput 2025 ilanngullugu ingerlasussat.

Naalakkersuisut aamma Timersorneq pillugu Suleqatigiissitamik pilersitsisimapput Timersoqatigiit Kattuffianniit, ESG-mit kommuninillu tamanit sinniisoqartoq timersornerup silarsuaani immikkut unammillernartut periarfissaasullu paasisaqarfiginissaat siunertaralugu. Suleqatigiissitaq naammassisaqarfiusunik iluatsitsinissamullu piumasaqaateqartunik siunissamut ungasinnerusumut timersornerup ineriartortinnissaanut siunnersuummik saqqummiussillunilu suliaqassaaq nalunaarusiallu 2024-mi septembarip qaammataata naanerani tunniutissallugu suleqatigiissitap naatsorsuutigaa.

Apeqqut 1a:

Taamaappat suut pilersaarutaappat?

Akissut:

Apeqqut 1 takuuk.

Apeqqut 2:

Pilersaaruteqartoqarpat aningaasat qanoq annertutigisut pisariaqartinneqarnissaat naatsorsuutigineqarpa?

Akissut:

Timersoqatigiit Kattuffiat eqqarsaatigalugu Takorluuinerimik suliaq Namminersorlutik Oqartussaniit Timersoqatigiit Kattuffianut tapiissutaareersut iluanni aningaasalersorneqassaaq.

Aningaasanut inatsimmi 40.94.13 timersornermut tapiissutiniit 2024-mi Timersoqatigiit Kattuffiat 15.160.000 kr.-inik aningaasaliiffigineqarpoq.

Timersoqatigiit Kattuffiannut tapiissutit allaffissornermut aningaasartuutit, sulisut, aqutsisut sungiusaasullu ilinniartaanerimut, siunnersortit akissarsiaasa angalanerillu, kattuffinnut ingerlatsinermi tapiissutit akilernerimut tapiissutaapput, ilaatigut timersoqatigiiffiit ineriartortinnerimut kiisalu nunani tamalaani unammiaaarnerni suleqatigiinnernilu peqataanernut atorineqartartut.

Taakku saniatigut Timersoqatigiit Kattuffiat Aningaasanut inatsimmi 40.94.21 Danske Spil A/S-imi kaaviiartitat ilaanniit Kalaallit Nunannut tapiissutiniit 20.952.000 kr.-inik aqutsisuuvoq. Danske Spilimiit kaaviiartitaat ilai nalinginnaasumik iluaqutaasunut siunertanut atorpeqartarput. 50 % tamat timersornerinut, tassunga ilanngullugit innarluutillit utoqqaallu timersornerinut, tak. pinnguaatinit aalajangersimasuniit aningaasat agguarneri pillugit Inatsisartut inatsisaat nr. 10, 22. november 2011-imeersoq. Inatsisartut inatsisaannit tassannga § 2, imm. 1, nr. 1-imit takuneqarsinnaavoq timersornernut tamanit peqataaffigineqartut immikkoortitanik aqutsinissamut Timersoqatigiit Kattuffiat piginnaatitaasoq:

" (...) Kalaallit Nunaanni Timersoqatigiit Kattuffiannut, timersornernut tamanit peqataaffigineqarsinnaasunut, innarluutillit utoqqaallu timersornerat ilanngullugu, agguasseqqinnermik isumaginnittussamut agguanneqassapput,

Aningaasanut inatsimmi 40.94.13 timersornernut tapiissutiniit 2024-mut ESG 1.100.000 kr.-inik aningaasaliiffigineqarpoq ESG-p inatsisitigut aalajangerneqartunik suliaassanik aqutsilluni suliaasat isumaginissaannut tapiissutaasut.

Taakku saniatigut nunani tamalaani ingerlatanut immikkut atugassatut 1.250.000 kr.-it tapiissutigineqarput nunanut allanut unammisartunut sungiusaasunut tapiissutit 550.000 kr.-iullutik kiisalu timersortartut sulinermit iluanaarutinit annaasaannut matussutissat 750.000 kr.-it.

Danske Spilimiit kaaviiartitat ilaannik ESG aamma aqutsisuuvoq. Immikkoortitat piginnaasalinnut nunanullu allanut unammisartunut ESG-mit agguarneqartarput. Immikkoortitat kaaviiartitaniit 9,1 %-imik annertussuseqarput 2024-mi 3.813.172 kr.-iullutik, Danske Spil A/S-imi kaaviiartitaniit Kalaallit Nunaata pisaaniit Aningaasanut inatsimmi 40.94.21-imeersut.

ESG ukiuni arlalissuarni angusassatut isumaqatigiissummi ingerlatassatut anguniakkat anguneqarnissaannut aningaasat ileqqaakkat pissutigalugit annertuumik ingerlataqarsinnaasimavoq.

Maannakkut pissutsit imaalersimapput aningaasat ileqqaarneqarsimasut tamakkerlugit atorneqalersimallutik, taamaalilluni siunissami ingerlatassat appasinnerunissaat ESG-mit naatsorsuutigineqarluni, ESG aningaasanik amerlanerusunik tunineqanngippat.

Neriuppunga apeqquutit akineqarsimassasut.

Inussiarnersumik inuulluaqqusillunga



Aqqaluaq B. Egede